



唐詩紀事卷第五十四

常表微

羅弘信

高崇文



王智興

劉綺莊

馬戴

孟遲

南卓

鄭顥

李群玉

温庭筠

周繇

常表微

表微字子明常臯鎮西川王緯司空曙獨孤良弼裴說
居幕府厚相推挹以表微比衛玠自以不能及也遷中
書舍人敬宗嘗語左右欲相二常會崩
處厚以父事表微

池州夫子廟麟臺碑銘曰二儀既開三象乃垂聖道埋
鬱人心不屏上無文武下有定哀吁嗟麟兮孰為來哉
周雖不經孔實嗣聖詩書既刪禮樂大定勸善懲惡
邪乃正吁嗟麟兮克昭符命聖與時合化行位尊苟或
乖戾身窮首存於招魯邑棧遲孔門吁嗟麟兮孰知其
仁運極數殘德至時召楚國寢廣秦封益修墻仍迫阨
崎嶇闕里吁嗟麟兮摩有化止世汨貝麟世亂貝麇出
非其卑屨鹿同群孔不自聖麟不自祥吁嗟麟兮天作
所止

羅弘信

柳詩云粧點青春更有誰青春常許占先知亞夫營畔
風輕處元亮門前日暖時花密宛如颺六出葉繁何惜
惜雙眉交情別緒論多少好向仁人贈一枝
詠白菊云雖被風霜競欲催皎然顏色不低摧已疑素
手能粧出又似金錢未染來香散自宜颺綠酒葉交仍
得蔭蒼苔尋思閉戶中宵見應認寒窗雪一堆
弘信字德孚魏州人為魏博節度使

高崇文

崇文本薊門將校討劉闢有功為西川節度使渤海鄙
言呼人為醅兒一旦雪下崇文謂賓客曰某雖武夫亦

有一詩乃吟曰崇文崇武不崇文提戈出塞號將軍那
箇醉兒射鴈落白毛空裏雪紛紛或謂北齊教胄之比
也出北夢瑣言

王智興

智興為徐州節度一日從事於使院會飲賦詩智興召
護軍俱至從事屏去翰墨智興曰適聞作詩何獨見某
而罷復以牋陳席上小吏亦置牋於智興前於是引毫
立成曰三十年前老健兒剛被郎官遣作詩江南花柳
從君詠塞北煙塵獨我知四座驚歎監軍謂張祐曰觀
茲盛事豈得無言祐乃獻詩曰十年受命鎮方隅孝節

忠規兩有餘誰信將壇嘉歎外李陵章句右軍書左右
曰書生謠辭耳智興叱曰有人道我惡汝輩又肯否張
生海內名十篇什豈易得天下人聞且以為王智興樂
善矣

劉綺莊

揚州送人詩云桂楫木蘭舟楓江竹箭流故人從此去
望遠不勝愁落日低帆影歸風引棹謳思君折楊柳淚
盡武昌樓

置酒詩云酒熟人須飲春還髮已秋願逢十日醉得遣
百年愁卒卒周姬旦栖栖魯孔立平生能幾日不及且

遨遊

綺莊尤善樂府嘗守藩服與白敏中元武肅琮相知宣宗時人也

馬戴

易水懷古詩云荆卿西去不復返易水東流無盡期落日蕭條薊城北黃沙白草任風吹

送客南遊云擬卜何山隱高秋指岳陽蒼龍雲夢色橘熟洞庭香疎雨殘虹影回雲背鳥行靈均如可問一為哭清湘

河梁別云河梁送別者行哭半非親此地足征戰胡天

多殺人金罍照離席寶瑟擬青春

中秋夜對月云陰魄出海上望之增苦吟冷搜驪頷重寒徹蚌胎深結氣龍諸夏清光射萬岑悠然天地內皎潔一般心

校獵曲云楚子畋郊野布罟籠天涯浮雲張作羅萬草結成罝意在絕飛鳥臂弓腰鑊鏑遠將射句踐次欲誅夫差壯志一朝攄湯網本來疎

露氣寒光盡微陽下楚立猿啼洞庭樹人在木蘭舟楚懷古夜久遊子息月明岐路閑句却憶軒羲日無人尚戰功句右張為取作主客圖

許崇久困名場咸通末戴佐大同軍幕崇往謁之一見
如舊識留連數月詩酒而已未嘗問所欲一旦大會賓
友命使者以崇家書授之崇驚愕莫知其來啓緘即知
戴潛遣一介卹其家矣戴與姚合善合有詩云天府衆
鳴客幽山秋未歸我知方甚善衆說以為非隔石聞泉
細和風見鶴飛新詩此處得清峭比應稀又合有送戴
下第客遊詩云昨夜送君處亦是九衢中此日慇懃別
前時寂寞同鳥啼寒食雨花落暮春風向晚離人別筵
夜樽未空戴酬姚合中字韻詩云岐路非人見尚得起
心中日憶瀟湘渚春生蘭桂叢鳥啼花半落客散鷺芳

空所贈誠難荅泠然一雅風

蠻家云領得賣珠錢還歸銅柱邊看兒調小象打鼓放
新舡醉後眠神樹耕時待瘴煙又逢衰蹇老相問莫知
年

夕次淮口云天涯秋光盡木末群鳥還夜久遊子息月
明岐路閑風生淮水上帆落楚雲間此意竟誰見行行
非故關

夕發邠中路却寄舒從事云飲酣走馬別馬後鎖邊城
日落月未上鳥棲人獨行方馳故國戀復愴長年情夕
夜不能息何當關此生

楚江懷古云露氣寒光集微陽下楚丘猿啼洞庭樹人在木蘭舟廣澤生明月蒼山夾亂流雲中君不見竟夕息悲愁

金華子云戴大中初掌書記於太原李司空幕以正言被斥貶龍陽尉行道興詠以自傷其方城懷古云申胥始向秦庭哭新尚終貽楚國羞新春聞赦云道在猜讒息仁深疾苦除堯聰能下渴

堯聰能下渴必有脫字

孟遲

懷鄭洎云風蘭舞幽香兩葉墮寒滴美人來不來前山看向夕

發蕙風館遇陰不見九華山有詩云我來淮海城千江萬山無不經山青水碧千萬丈奇峯急派何縱橫又聞九華山山頂連青冥太白有逸韻使我西南行一步一攀策前行正雞鳴陰雲冉冉忽飛起千里萬里危崢嶸譬如天之有日蝕使我昏沉猶不明人家敲鏡救不得光影却屬貪狼星恨亦不能通言亦不足聽長鞭揮馬出門去是以九華為不平

遲字遲之登會昌五年進士第

廣陵城云紅映樓臺綠遶城城邊春草傍墻生隋家不向此中盡汴水應無東去聲

又有過垓下之句云天地有時鏡一擲江山無主合平分過驪山云冷月微煙渭上愁華清宮樹不勝秋霓裳一曲千門鎖白盡梨園弟子頭已上數篇張為取作主

客圖

遲與杜牧之友善牧之嘗有池州送遲詩其間云煙濕樹姿嬌雨餘山態活仲秋往歷陽同上牛磯歌大江吞天去一練橫坤抹歷陽裴太守襟韻苦超越鞞鼓畫麒麟看君擊狂節離袖飈應勞恨粉啼還咽九衢林馬過千門識車轍奏臺破心膽點陣驚毛髮子固屈一鳴余固宜三朋又曰丹鵲東飛來喃喃送君札呼兒族去聲供

衫走馬空踏襪手把一枝物桂花香帶雪喜氣至無言笑餘翻不悅又送遲詩云手撚金僕姑腰懸玉轆轤爬頭峯北正好去繫取可汗鉗作奴六宮雖念相如賦其郝防邊重武夫

金華子云遲陳商門生為浙西掌書記以讒罷至淮南崔相國奏掌書記後以詩寄浙右幕中曰由来惡舌駟難追自古無媒謗所歸句踐豈能容范蠡李斯何暇救韓非巨拳肯為雞揮肋強弩那因鼠發機慚愧故人同鮑叔此心江柳尚依依

南卓

子厚在柳州呂溫嘲之曰柳州柳刺史種柳柳江邊柳
營依然在千株柳拂天後卓為黔南經略使故人嘲曰
黔南南太守南郡在雲南開向南亭醉南風變俗談初
為拾遺與崔黯因諫出宰陸為支江卓為松滋
卓贈副戎等詩曰翱翔曾在玉京天墮落江南路幾千
從事不須輕縣宰滿身猶帶御爐煙

鄭顥

顥宰相綱之孫登甲科以起居郎尚主有器識宣宗時
恩寵無比嘗夢中得句云石門霧露白玉殿莓苔青續

成長韻此一聯杜甫集中詩也大中十年顥放榜後謁
假觀峯於洛生徒餞長樂驛俄有紀於屋壁云三十驂
騶一哄塵來時不鎖杏園春楊花滿地如飛雪應有偷
遊曲水人舊史云顥綱之子尚宣宗女萬壽公主因壽
昌節上壽曰夢一宮殿與十數人納涼聯句既悟省石
門之句十字怪其不祥不數日宣宗弓劍上僊方悟其
事乃續為十韻云間歲流虹節歸軒出禁扃奔浪兆畏
景瀟灑夢殊庭境象非曾到宗嚴昔未經日斜烏斂翼
風動鶴梳翎異苑人爭集高臺筆不停石門霧露白玉
殿莓苔青若匪災先兆何緣思入冥御爐虛仗馬華蓋

負雲亭白日成千古金滕閱九齡小臣哀絕筆湖上泣
青萍御爐或未幾顯亦卒

李群玉

群玉好吹笙善急就章喜食鵝及授校書郎東歸廬肇
送詩云妙吹應諧鳳工書定得鵝杜丞相棕筵中贈美
人云裙拖六幅瀟湘水鬢聳巫山千朶雲貌態祇應天
上有歌聲豈合世間聞曾前瑞雪燈斜照眼底桃花酒
半醺不是相如憐賦客肯教容易見文君群玉解天祿
之任而歸潯陽經二妃廟題云小孤洲北浦雲邊二女
明粧共儼然野廟向江春寂寂古碑無字草芊芊風迴

日暮吹芳芷月落山深哭杜鵑猶似含顰望巡守九疑
疑黛隔湘川又曰黃陵廟前春已空子規啼血滴松風
不知精爽落何處疑是行雲秋色中群玉疑春空遂至
秋色欲易之恍若有物告以二年之兆時潯陽太守段
成式志其事二年後果死於洪井段以詩哭之曰曾話
黃陵事今為白日催老無兒女累誰哭到泉臺

群玉字文山澧州人裴休觀察湖南厚延致之及為相
以詩論薦授校書郎

杜牧送群玉赴舉詩曰故人別來面如玉一榻拂雲秋
影中玉白花紅三百首五陵誰唱與春風或曰群玉受

相府之知進詩三百篇授麟臺讐校

黃陵廟前蒹草春黃陵女兒茜裙新輕舟小楫唱歌去
水遠天長愁殺人群玉賦黃陵廟詩也或曰李遠之作
方干經群玉故居云許直上書難遇主啣冤下世未成
翁琴樽劍鶴誰將去惟鎖山齋一樹風

温庭筠

彦博裔與李商隱俱有名號温李與貴胄裴誠令狐高
等蒲飲押昵為襄陽巡官

郭處士擊甌歌云佶粟金虬石潭古勺陂潏灑幽脩語
湘君寶馬上神雲碎珮叢鈴滿煙雨吾聞三十六宮花

離離軟風吹春星斗稀玉宸冷磬破昏夢天露未乾香
著衣蘭釵委墜雲垂髮小響丁當逐回雪晴碧煙滋重
疊山羅屏半掩桃花月太平天子駐雲車龍鑪勃鬱雙
蟠拏宮中近臣抱扇立侍女低鬟落翠花亂珠觸續正
跳蕩傾頭不覺金烏斜我亦為君長嘆息緘情遠寄愁
無色莫露香夢綠楊絲千里春風正無力

陽春曲云雲母空窓曉煙薄香昏龍氣凝輝閣霏霏霧
雨杏花天簾外春寒著羅幙曲闌伏檻金麒麟沙苑芳
郊連翠茵廐馬何能蹙芳草路人不敢隨流塵庭筠才
思艷麗工於小賦每入試押官韻作賦凡八义手而八

韻成時號温八义多為隣鋪假手日救數人而士行玷
缺縉紳薄之李義山謂曰近得一聯句云遠比趙公三
十六年宰輔未得偶句温曰何不云近同郭令二十四
考中書宣宗嘗賦詩上句有金步搖未能對遣求進士
對之庭筠乃以玉條脫續也宣宗賞焉又藥名有白頭
翁温以蒼耳子為對他皆類此宣皇愛唱菩薩蠻詞丞
相令狐綯假其脩撰密進之戒令勿洩而遽言於人由
是疎之温亦有言云中書內坐將軍譏相國無學也宣
皇好微行遇於逆旅温不識龍顏傲然而詰之曰公非
長史司馬之流帝曰非也又曰得非六參簿尉之類帝

曰非也謫為方城尉其制詞曰孔門以德行為先文章
為末爾既德行無取文章何以補焉徒負不羈之才罕
有適特之用竟流落而死杜棕自西川除淮海庭筠詣
韋曲杜氏林亭有詩云卓氏壩前金線柳隋家堤畔錦
帆風貪為兩地行霖雨不見池蓮照水紅芬公聞之遺
絹千疋曾於江淮為親表得之由是改名

庭筠又改名舉場多為舉人假手沈詢知舉施鋪席授
庭筠不與諸公隣比困於場屋卒無成而終

令狐綯曾以舊事訪於庭筠對曰事出南華非僻書也
或冀相公燮理之暇時宜覽古綯益怒奏庭筠有才無

行卒不登第庭筠有詩曰因知此恨人多積悔讀南華
第二篇

庭筠五丈原詩云鐵馬雲騅久絕塵柳陰高壓漢營春
天晴殺氣屯關右夜半長星照渭濱下國卧龍曾寤主
中原得鹿不由人象床錦帳無言語從此譙周是老臣
過新豐云一劍乘時帝業成沛中鄉里到咸京寰區已
作皇都貴風月猶含白社情泗水舊亭春草遍千門遺
瓦古苔生至今留得離家恨雞犬相聞落照明

蘇武廟云蘇武魂銷漢使前古祠高樹兩茫然雲邊鴈
斷胡天月隴上羊歸塞草煙回日樓臺非甲帳去時多
劍是丁年茂陵不見封侯印空向秋波哭逝川

周繇

繇字為憲池州人及咸通進士第以明皇夢鍾馗賦知
名弟繁亦工為詞調池之建德令李昭象以詩送之曰投文得
仕而今少佩印還家古所榮後以御史中丞與段成式
常蟾温庭皓同遊襄陽徐商幕府繇有看牡丹贈段成
式詩云金藥霞英疊彩香初疑少女出蘭房逡巡又是
一年別寄語集山呼索郎成式前有恹酒絕句贈繇曰
太白東西飛正狂新笏石凍襍梅香詩中反語常迴避
尤怪花前呼索郎

絲又以人參遺成式有詩云人形上品傳方志我得真
英自紫團慚非叔子空持藥更請伯言審細看

襄陽中堂賞花絲與妓人戲語成式嘲之曰鸞裏花前
選孟光東山逋客酒初狂青娥畢竟誰防備燒得河車
莫遣嘗絲和云迴簪轉黛喜猜防粉署裁詩助酒狂若
遇仙丹偕羽化便隨蕭史亦何傷

成式不赴光風亭夜宴贈絲云屏開屈膝見吳娃絳臘
同心四照花姹女不愁難管領斬新鉛裏得黃牙絲和
云玉樹瓊筵映彩霞澄虛樓閣似仙家只緣存想歸蘭
室不向春風看夜花

廣陽公宴成式速罷馳騁坐觀花艷或有眼飽之嘲絲
賦詩云感鞠且徒為寧如日送時報雙慙選奕存想恨
透蓬促坐疑辟呬嘶孟強朶頤恣情窺窈窕曾恃如風
姿色授應難奪神交願莫辭請君看曲譜不負少年期
段成式和并序云近者初開金埒太敞紅旌騎歷塊而
風生鼓摻搗而雷發成式未曾盤馬徒效執鞭喜過君
子之營徒接將軍之第欸段辭退因得坐觀是時滿目
鈿黃逆鼻蘭麝晚薪餘論恨織素而不憐斜柯新知歎
因針而難假化符端公妾換名馬賦關長門莫逆賞心
形於善譚為憲老舅吟飄白雪思效碧雲六韻傳觀不

得落地鏗如珮玉粲若列星儼眼詎貴於千金貨心只
勞於一句輒鳴瓦缶方應金鏡拗輔宜哈足代諧笑詩
云才甘魚目並藝怯馬蹄間王謝初飛蓋姬姜盡下山
縛雞方角逐射雉豈開顏亂翠移林色狂紅照座殷防
梭齒雖在乞帽髮慚斑儻恕相如瘦應容累騎還庭筠
和云齊馬馳千駟盧姬逞十三玳筵方喜睽金勒自趨
輝墮珥情初洽鳴鞭戰朱酣神交花冉冉眉語柳穆穆
柳吳興云肉却略青鸞鏡翹翻翠鳳簪專城有佳對寧
肯顧春蠶

唐詩紀事卷第五十四

唐詩紀事卷第五十五

- | | | | |
|-----|-----|-----|-----|
| 周墀 | 王起 | 盧肇 | 丁稜 |
| 姚鵠 | 高退之 | 孟球 | 劉耕 |
| 裴翻 | 樊驥 | 崔軒 | 蒯希逸 |
| 赫滋 | 李宣古 | 黃頰 | 張道符 |
| 丘上卿 | 石貫 | 李潛 | 孟守 |
| 唐思言 | 戈牢 | 金厚載 | 王甚夷 |
| 周墀 | | | |

武宗會昌三年王起僕射再主文柄起自長慶至此凡
三領貢籍墀時刺華州以詩寄賀云文場三化魯儒生

二十餘年振重名曾忝木雞夸羽翼又陪金馬入蓬瀛

拜初年木雞賦及第常陪僕射守職內庭雖欣月桂居先折更羨春蘭最後

榮欲到龍門看風雨關防不許暫離營和者列姓名于後

酬李常侍立秋日奉詔祭嶽見寄云秋祠靈嶽奉罇罍

風過深林古栢開蓮掌月高珪幣列金天羽衛鬼神陪

質明三獻雖終禮祈壽千年別上杯豈是瑣才能祀事

弘農太守主張來常侍李景遜也亦曾知華州

墀字德升汝南人長史學屬辭高古武宗時刺華州召

為兵部侍郎遂為宰相以議河湟事不合旨罷鄭顥言

於帝曰世謂墀以直言相亦以直言免帝悟加拜右僕

射

王起

和周侍郎見寄云貢院離來二十霜誰知更忝主文場

楊葉縱能穿舊的桂枝何必愛新香九重每憶同仙禁

六夜初吟得夜光莫道相知不相見蓮峯之下欲徵黃

張籍喜起放榜詩云東風時節近清明車馬爭來滿禁

城二十八人初上榜百千萬里盡傳名誰家不惜花園

看處多將酒器行共賀春司能鑒識今年應合有公

卿勅下後人置妓錢列以圖章大和中文宗重之曾為

詩寫于太子之笏武宗嘗以二字問之起曰羣書未之

見也周穆王有瘖疴二字世儒但言古馬名于今未詳
臣所不識者惟此八駿圖中三五字而已帝曰知卿夙
學偶相試爾

起字舉之元和末為中書舍人穆宗時錢徽坐貢舉失
實貶詔起覆核起建言以所試送宰相閱可否然後付
有司議者謂起失職李訓為相起門生也引以共政文
宗尚文好古學時鄭覃以經術進起以該博顯武宗時
自東都召為尚書判太常卿帝患選士不得才特命起
典貢舉凡四舉士皆知名者人伏其鑒慈恩寺題名云
進士題名自神龍之後過關宴後率皆期集於慈恩

下題名故貞元中劉太真侍郎試慈恩寺望杏園花發
詩會昌三年贊皇公為上相其年十一月十九日勅諫
議大夫陳商守本官權知貢舉後因奏對不稱旨十二
月十七日宰臣遂奏依前命右僕射兼太常卿王起主
文二十二日中書覆奏奉宣旨不欲令及第進士呼有
司為座主趨附其門兼題名局籍等疏條進來者伏以
國家設文學之科求正直之士所宜行崇風俗義本君
親然後升與朝廷必為國器豈可懷賞拔之私惠忘教
化之根源自謂門生遂成膠固所以時風寢壞臣節何
施樹黨背公靡不由此臣等商量今日已後進士及第

任一度參見有司向後不得聚集參謁及於有司宅置
宴其曲江大會朝官及題名局席並望勒停緣初獲美
名實皆少雋既遇春節難阻良遊三五人自為宴樂並
無所禁唯不得聚集同年進士廣為宴會仍委御史臺
察訪聞奏謹具如前奉勅宣依於是向之題名各盡削
去蓋贊皇公不由科第故設法以排之洎公失意悉復
舊態

李德裕為秘書校書有雨中自秘書歸訪王御史詩為

察御史集和早入朝便入集賢不遇詩起和之序云起

頃任集賢校書及升栢臺又與秘閣相對今直書殿有

張學士嘗忝同幙而與秘書稍遠故瞻望之詞多詩云

台庭才子來欵扉典校初從天祿歸已慙陋巷迴玉趾

仍聞細雨沾綵衣詰朝始趨鳳闕去此日遂愁雞黍違

憶昨謬官在烏府喜君對門討魚魯直廬相望夜每闌

高閣遙瞻月時吐昔聞三入承明廬今日重來入秘書

校文復忝丞相屬博物更與張侯居新冠我我不變鐵

舊泉脉脉猶在渠忽枉情人吐芳訊臨風不羨潘錦舒

憶見青天霞未卷吟翫瑤華不知晚自臨起足風引舟

如何漸與蓬山遠

樂天惜玉藥花懷集賢王校書云芳意將闌風又吹白

雲離葉雪辭枝集賢舊言校無閑日落盡瑤花君不知

盧肇

嵩高降德為時生洪筆三題造化名鳳詔佇歸專北極
驪珠搜得盡東瀛褒衣已換金章貴禁掖曾隨玉樹榮
明日定知同相印青衿新列柳間營

自肇至王甚夷各
和主司王起一章

多用
起韻

開成初就江西解試官末送肇謝曰巨鼈負鼎首冠蓬
山試官曰其恨人數擠排深慙名第奉晚何云首冠肇
曰頑石處上巨鼈載之豈非冠耶

張祐於甘露寺觀肇詩曰不謂三吳道此詩也祐曰

月光先到山河勢盡來肇曰地從京口斷人自海門迴
因而仰伏

肇初計偕至襄陽竒章公方有真珠之惑肇賦詩曰神
女初離碧玉堦彤雲猶擁牡丹鞋知道相公憐玉腕強
將纖手整金釵

肇字子發袁州人也初登第或問所由來曰肇遠民也
或曰袁州出舉人耶肇曰袁州出舉人亦猶沅江出龜
甲九肋者蓋稀矣肇筮仕之初為鄂岳盧商從事其後
江陵節度裴休太原節度盧簡求奏為門吏後除著作
郎遷倉部員外郎充集賢院直學士咸通中出知歙州

肇競渡詩云石溪夕住思端午館驛樓前看發機鞞鼓
動時雷隱隱獸頭凌處雪微微衝波突出人齊散躍浪
爭先鳥退飛向道是龍剛不信果然奪得錦標歸

咸通初恩除歙州途中寄座主王侍郎詩曰忽忝專城
奉六條自憐出谷屢遷喬驅車雖覺還家近捧日惟愁
去國遙宋戶昨經新祭戟風帆常覺戀簞瓢江天夜夜
知消息長見台星在碧霄

丁稜

公心獨立副天心三轄春闈冠古今蘭署門生皆入室
蓮峯太守別知音同飛翰苑時名重遍歷朝端主意深

新有受恩江海客坐聽朝夕繼為霖李德裕嘗左官
春盧肇以文見知既拜相舊例放榜先呈宰相王起問
德裕所欲荅曰何問為如盧肇丁稜姚鵠豈可以不與
及第起遂依次放之

唐放榜訖謁宰相即榜元致詞肇以故不至稜口吃而
形陋俛曰稜等登鞠躬頽汗卒不能致後語左右皆笑
或曰君善筆耶稜猶不悟也稜字子威

姚鵠

三年竭力向春闈塞斷浮華衆路岐盛選棟梁稱昔日
平均雨露及明時登龍舊羨無邪徑折桂新榮盡直枝

莫道只陪金馬貴相期更在鳳凰池

鵠尋趙尊師不遇詩云羽客朝元掩畫扉林中一逕霧

中微松陰遶院鶴相對山色滿樓人未歸盡日獨思風

馭返寥天幾望野雲飛憑高目斷無消息自醉自吟愁

落暉

鵠字居雲

高退之

昔年桃李已滋榮今日蘭蓀又發生葑菲采時皆有道

權衡分處且無情叨陪鴛鴦朝天客共作門闌出谷鷩

何事感恩偏覺重忽聞金榜扣柴荆退之自願機務

策試之後遂歸石屋山居不期一旦進
士及第遣人賁榜扣關相報方知之矣

退之字遵聖

孟球

當年門下化龍成今日餘波進後生仙籍共知推麗藻

禁垣同德薦嘉名桃溪早茂誇新萼菊圃初開耀晚英

誰料羽毛方出谷許教齊和九臯鳴

球字廷玉

劉耕

孔門頻建鑄顏功紫綬青衿感激同一篋勤勞成太華

三年恩德仰維嵩揚隨前輩穿昏中桂許平人折欲空

慙和周郎應見頤咸知大造竟無窮

裴翻

常將公道選羣生猶被春闈屈重名文柄久持殊歲紀
恩門三啓動寰瀛雲霄幸接駕鸞盛變化欣同草木榮
乍得陽和如細柳參差長近亞夫營

翻字雲章

樊驥

滿朝簪髮半門生又見新書甲乙名孤進自今開道路
至公依舊振寰瀛雲飛太華清詞著花發長安白屋榮
參受恩光同上客唯將報德是經營

驥字元龍

崔軒

滿朝朱紫半門生新榜勞人又得名國器舊知收片玉
朝宗轉覺集登瀛同升翰苑三年美繼入花源九族榮
共仰蓮峯聽雪唱欲賡仙曲意怔營

軒字鳴山

蒯希逸

一振聲華入紫微三開秦鏡照春闈龍門日月金章貴
鷲谷新遷碧落飛恩感風雷宜變化詩裁錦繡惜光輝
誰知散質多榮忝駕鷲清塵接布衣

芳草復芳草斷腸還斷腸自然堪下淚何必更斜陽楚
峯千萬里鴻鴈三兩行有家歸不得况舉別君觴杜牧
之池州送希逸詩也

武幹者事崩希逸十餘歲希逸擢第幹辭以親在求去
希逸以詩送之畧曰山險不曾離馬後酒醒長見在床
前士人皆有繼和

希逸字大隱

希逸詩蟾蜍醉裏破蛺蝶夢中殘牛相在揚州嘗稱之

林滋

龍門一變荷生成况是三傳不朽名美譽早聞喧北關

夜深拋耍令舞来接去使人勞

宣古字垂後

冉冉池上煙盈盈池上柳生貴非道傍下斷行人手

翠蓋不西來池上天池歇句右張為取作主客圖

黃頗

二十二年文教主三千上士滿皇州獨陪宣父蓬瀛奏
方接顏生魯衛遊多羨龍門齊變伏屢看雞樹第名流
升堂何處寂榮美朱紫環罇幾處酬

頗為失第後父方第撫言曰黃頗以洪奧文章蹉跎者
一十三載劉纂以平漫子弟而折丹桂由斯言之可謂

命能通性豈曰性能通命者歟韓愈自潮州量移宜春
郡頗學愈為文亦振大名頗嘗觀廬肇為碑版則唾之
而去頗宜春人與肇同鄉頗富而肇貧同日遵路赴舉
郡牧餞頗郵亭肇駐蹇十里以俟明年肇以第一名還
袁因競渡即席賦詩云向道是龍剛不信果然奪得錦
標歸

頗字無頗

張道符

三開文鏡繼芳聲暗上雲霄接去程會厭洪波先得路
早陞清禁共垂名蓮峯對處朱輪貴金榜傳時玉韻成

顏波今見走東瀛駕行既接參差影雞樹仍同次第榮
從此青衿與朱紫升堂侍宴更何營

望九華山詩云茲山突出何怪竒上有萬狀無凡姿大
者嶙峋若奔兕小者嵒嵬如嬰兒玉柱金莖相柱杖干
空掄碧勢參差稀中始訝巨靈擘缺處乍驚愚叟移夢
煙石月相蔽虧天風裊裊猿呶呶龍潭萬古噴飛溜虎
穴幾人能得窺吁予比年愛靈境到此始覺魂神馳如
何獨得百丈索直上高峯拋俗羈

滋字後象

李宣古

恩光忽逐曉春生金榜前頭忝姓名三感至公裨造化
重揚文德振寰瀛佇為霖雨曾相賀半在雲霄覺更榮
何處新詩添照灼碧蓮峯下柳間營

宣古嘗賦寒食日亥時云人定朱門尚未開初星粲粲
照人回此時寒食無煙火花柳蒼蒼月欲來

杜司空惊自忠武軍節度使出鎮澧陽宣古數陪遊宴
乘醉慢侮惊欲辱之長林公主曰豈有飲而舉人細過
耶謂宣古請為詩冀彌縫也宣古得韻立成詩曰紅燈
初上月輪高照見堂前萬朶挑感栗調清銀象管琵琶
聲亮紫檀槽能歌姹女顏如玉解引蕭郎眼似刀爭奈

更許不才聽白雪一枝今過却詵榮

道符字夢錫

立上卿

常將公道選諸生不是鴛鴻不得名天上宴回聯步武
禁中麻出滿寰瀛簪裾盡過前賢貴門館仍叨舊學榮
看著鳳池相繼入都堂那肯滯關營

上卿字陪之

石貫

重德由來為國生五朝清顯冠公卿風波久佇濟川楫
羽翼三遷出谷鷲絳帳青衿同日貴春蘭秋菊異時榮

孔門弟子皆賢哲誰料窮儒忝一名
貫字總之

李潜

文學宗師心秤平無私三用佐貞明恩波舊是仙舟客
德宇新添月桂名蘭署崇資金色重蓮峯高唱玉音清
羽毛方荷生成力難繼鸞凰上漢聲

潜字德隱宜春人

孟守

科文欠主守初時光顯門生濟會期美擅東堂登甲乙
榮同內署待恩私羣鷲共喜新遷木雙鳳皆當即入池

別有倍深知感士曾經兩度得芳枝
守字處中長慶三年王起放及第為時相所退是年大
和主和戎至會昌三年起以左揆再知貢舉守龍鍾就
試成名是歲石雄入塞公主自蕃還京

唐思言

儒雅皆傳德教行幾崇浮俗贊文明龍門昔上波濤遠
禁署同登渥澤榮虛散謬當陪杞梓後先寧異感生成
時方側席徵賢急况說歌詠近帝京

思言字子文

戈牢

聖軋文德最稱賢自古儒生少比肩再啓龍門將二紀
兩司鸞谷已三年蓬山皆美成榮貴金榜誰知忝後先
正是感恩流涕日但思生旆碧峯前
宰字德膠

金厚載

長慶曾收間世英果居臺閣冠公卿天書再受恩波遠
金榜三開日月明已見蒼肩超翰苑更期連步掌台衡
小儒謬跡雲霄路心仰蓮峯望太清
厚載字化光

王甚夷

春闈帝念主生成長慶公聞兩歲名有蘊赤心分雨露
無私和氣浹寰瀛龍聞乍出難勝幸駕侶先行是最榮
遙仰高峯看白雪多慙屬和意屏營
甚夷字無黨

唐詩紀事卷第五十五

唐詩紀事卷第五十五

三

